


浙江通志 三十一

公署市



漢書門			
二三五二號	九〇函	一四架	一三〇册
類			

內閣文庫			
二九二函	二三五二號	一〇架	一〇册
類			

內閣文庫	
番號	漢 2352
冊數	120 (16)
函號	292 48



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



勅修浙江通志卷三十

公署<sup>上</sup>

淺草文庫



命官進事必有視事之所用以出治行政非徒爲辨  
等威肅觀聽而已兩浙官盛事繁廨宇制置悉備要  
必職思其居而後無曠厥守百爾君子尚其夙夜自  
公以仰副

聖朝設官分職之至意其敢以臨民親切之地而傳舍視

諸志公署

浙江省城

總督部院

在斯如坊

舊爲明總兵府

公署上

東仙游江通元 卷三十一  
國朝康熙七年浙江總督趙廷臣改建為總督部院署二十三年裁併福浙總督駐劄福建署久空閉日就頽

圯雍正五年浙江巡撫

臣

李衛奉

旨特授浙江總督管巡撫事仍駐劄巡撫衙門因額設公署體統攸闕於雍正九年撥備公銀兩委屬員鼎建署之制正中大堂五間上奉

御書岳牧之任扁額前為露臺為甬道為儀門題曰文武總憲正南大門三間署額曰總督部院大堂後為川

公堂為二堂奉懸

御書養素二字又

御書秉鉞巖疆四字為額進內為垂華門門內正樓五間左右翼樓各三間東西廂樓之後樓五間耳房各三間周以繚垣環以羣房川堂之東為簽押堂為書廳為蓮花幕更東為

御書碑亭恭貯歷任督臣所奉

宸翰勒之貞珉以垂永久前督臣覺羅滿保捐建今拓而新之視昔加崇焉其後為庖廡為廩廡稍南為吏舍為書冊房更南為內廡川堂之西為西花廳旁置舫齋有池有亭軒檻玲瓏竹木交映而吳山一帶橫列於右如錦屏綺幔朝來爽氣近在几席更西為箭廳

較閣屬員騎射儀門東為土地祠大門外為東西轅門為文武官候廳左右建二石坊一曰威震東南一曰澄清海甸更東有重樓傑峙曰雄鎮樓

巡撫都察院 在裕民坊內 嘉靖浙江通志 浙江巡撫

舊不常設有事則遣大臣巡視或尚書或大理卿或

都御史官無定員治無定所嘉靖三十九年太子太

保兵部尚書兼都察院右都御史胡宗憲總督浙江

兼巡撫以舊清軍察院改建名總督府 萬歷杭州府志 舊清軍察

院嘉靖二十四年巡視都御史朱執併倉址改建三

十五年燬總督胡宗憲重建設諸司候廳庶官分

署規制始備遂 錢塘縣志 其北有鎮海樓 吳越時為

東為鎮東樓 錢鏐平董白為鎮海鎮東軍節度使兼領兩浙此其遺意也 東西二

坊曰保障江藩曰澄清海甸

國朝為巡撫都察院署雍正五年欽奉

特旨授浙江巡撫 臣 李衛為兵部右侍郎總督浙江等處

軍務兼理糧餉管巡撫事尋陞兵部尚書加太子少

保節制江南仍駐劄巡撫衙門署之制中為大堂崇

奉

聖祖仁皇帝御書宣布德澤推誠遇人寬簡愛民扁額前為

露臺為甬道為儀門為大門後為川堂雍正二年

御書公勤廉幹四字賜 臣 李衛從滇南恭賫至浙敬懸正

中川堂後為

聖祖仁皇帝御書受祐堂中懸

御書五福圖又後為內宅門為三堂雍正四年臣李衛

年八十荷蒙

御書永錫康寧四字扁額

賜懸其上更後為住房為堂樓西為後廳為內書室舊有集思

堂撤舊亭後川堂之東為

御書樓恭貯歷年奉

賜御製詩文詔諭扁額對聯永垂世寶又東為誠本堂稍

南為白修堂又東為箭廳雍正十二年以總督銜管

巡撫事臣程元章改建書室三楹凡三進以居幕客

又川堂之西臣李衛新建書樓五間上懸

御書治洽東南吏民遵表範誠孚中外政教本公清對聯

賜臣李衛中庭設花石清供對廳五間夾以耳廂左為舫

齋小樓更西為箭廳校閱屬員騎射題曰武林雙圃

皆雍正七年建西南平房十五間為總督吏書冊房

又樓房二十六間為巡撫吏書冊房俱有扁鑰其巡

鹽書吏則截外官廳而扁於儀門之內在東南隅儀

門外東為土地祠大門外東西為司道府縣官候廳

將領旗牌巡捕各官廳左右為各胥役班房東為坊

日海晏河清西為坊曰民安物阜通江橋之西復為大坊以表之曰東南節鉞與鎮東樓相映帶云

鎮守杭州等處將軍

在駐防城內

國朝順治五年設鎮守將軍駐防於杭州築滿洲駐防城以民房大者為衙署小者為兵房康熙十三年添設官員衙署皆係地方官捐造大小官共一百三十七員衙署一百三十七所而將軍署外又專設公衙門在八字橋西署之制中為大堂四十四年

聖祖仁皇帝賜御書典戎扁額懸奉正中後為二堂上奉

御書冠軍二字額大堂之前為露臺為甬道為儀門為大門

東西為轅門樹棹楸外有各官候廳

滿洲左翼副都統

在晚鼓橋

東西轅門鼓亭各一座大門

三間進內為儀門為大堂中懸

御書福字扁額堂西為書房迤北為住房西轅門外之西

南隅為箭道有箭廳

滿洲右翼副都統

移駐乍浦

詳兵制其署改為南米倉

漢軍左翼副都統

在花市街

署北向東西轅門鼓亭各一

座中為大門進內為儀門為大堂東西耳廂為書室

堂後為川堂為二堂中懸

御書福字扁額後住房九間左右各有廂

漢軍右翼副都統在花市街署北向東西轅門鼓亭各一

座大門三間門內卽大堂堂後為儀門為住房凡二

進東西內外各有廂餘皆羣房東北為蔬圃

浙江提督學政舊名校士館今移改都司署在布政司西舊浙江通志校

士館在八字橋濱河開元宮故址明成化七年建為

三學射圃嘉靖三十三年提學副使阮鶚建為館歲

科試諸生

國朝順治五年環入駐防營內十四年提學道谷應泰卽

司花園舊址改建在按察司東康熙十七年燬二十一年

提學道楊引祚重建二十四年以江浙二省為人文

之藪照直隸一體差翰林詹事官一員提督學政在

校士館考試雍正二年兵部議准將浙江都使司裁

汰雍正四年督學彭維新以舊館窄隘席舍無多考

試偪塞擁擠將奉裁都司衙門捐修改建校士館萬歷

杭州府志浙江都指揮使元為行宣政院明洪武三

年置杭州都指揮使卽其地建署領衛十六守禦千

戶所五正德五年都指揮僉事陳曙建嚴翼堂嘉靖

四十四年張東旭建德星堂為禮賓之所舊浙江通

志順治初改為中為觀成堂前為儀門為大門東西

兩廡列士子席舍後為川堂為嚴翼堂又後為學使

宅榜曰如玉壺冰大門外為棘門為榜廊地居南北

之中適於學宮街衢寬廣庭宇明敞士子雲集咸沐

聖世右文之化云

巡鹽察院

在芝松坊二畝  
宗陽宮東北

兩浙鹽法志明永樂間始

差監察御史給事中一員開支天下鹽課至正統三

年歲差御史於兩淮兩浙等運司領勅巡視禁約及

督催鹽課因建院署於浙江布政司東在錢塘縣之

興仁坊弘治十四年監察御史方溢重修嘉靖二十

年監察御史唐臣改傳法寺基重建署之制中為大

門曰風紀重地為儀門為甬道為露臺為大堂曰太

微執法堂後為川堂東為龍門深處為日新堂西為

霜臺別署後有樓曰來鶴東為後樂園為一鑑亭迤

北為此君亭為我心亭為虛白堂大門外建二坊

曰激揚西曰貞肅

國朝雍正三年巡鹽右副都御史謝賜履於來鶴樓之東

改建廳事五楹書室三楹餘俱重加整葺

織造府

在太平坊

嘉靖浙江通志織造府二並在布政司

東旗纛廟西左為東府右為西府以申官掌之洪武

二年建織染局於斯如坊永樂中因地勢卑溼分撥

工料於湧金門建局織造遂以舊名南局此名北局

後南局盡廢工料併歸北局

江曉織染局碑記局肇於洪武間在城之南隅

鳳山門裏朱家橋僻隘不便正統間奏改此地宋為五顯祠元為御史臺基址經始相度建立大門一座



正廳三間東西二庫提調府廳局官廳以下共計房屋七十餘間又置圍牆立中門內有房屋百二十餘間分爲織羅二作有古井一避火園二弘治間葺東至西河街西至運司河街南至藩司牆北至臺後橋河一帶

國朝撤中官而掌以內務府官織造

御用袍服順治四年督理杭蘓織造工部右侍郎陳有明

重修

陳有明織造府碑記織造有東西兩府東府爲駐劄之地西府則專設機張兩府圯壤過多悉

爲整理題其廳事之類曰天章首煥復於東府白堂簾臥室之側悉置匠作以供織挽荒蕪整頓煥然一新繪圖立碑康熙四十五年織造孫文成捐修東府以識久遠

預備

聖祖仁皇帝南巡駐蹕繪圖勒石焉復於大門之外購買民

地開濬城河以達湧金門大門內爲儀門爲甬道爲

大堂康熙九年

御書敬慎二字額懸正中三十八年又

賜鸞鶴飾三字扁額後有二堂四十六年

御題竹風清聽堂後爲宅門爲衙堂爲內宅門爲住房爲大

庫府之外復有織染總織西府三局年久傾圮雍正

八年織造許夢閣捐貲重修

北新關戶部分司

在武林門外江漲橋北

嘉靖浙江通志明初

差御史監生開辦課程或戶部官監收船鈔未有定

制景泰元年差戶部主事於蘓杭二府專掌之始建

鈔關於此六年罷主事歲委府官收鈔成化四年併  
鈔關罷之七年復鈔關故俗稱北新關云杭州府志  
署之制瀕河為前廳外為坊為關關北為委官小署  
廳後為儀門中為正堂後為寅賓所堂左為宅宇為  
書室折北為拱辰樓為亭沼右為庫房吏書房儀門  
外為土地祠書冊房

國朝康熙五十五年停差戶部官北關錢糧交與巡撫監  
收雍正七年總督管巡撫事臣李衛題准將南北二  
關稅務交與繼造管理

南關工部分司

在芝松二名巡  
鹽察院之西

萬曆杭州府志明改

市舶司為之本宋德壽宮後圍址永樂中命內臣掌  
海舶互市成化七年設關抽分木稅建署於候潮門  
外俗稱南關嘉靖三十六年燬員外李方至重建改  
今處

國朝康熙五十五年停遣工部分司南關錢糧交與巡撫  
監收署遂開曠雍正四年東特設浙江觀風整俗使就南新關督權衙門駐劄重加修  
整雍正八年停差觀風整俗使仍稱南關衙門云其  
制中為水玉堂前為露臺為甬道為儀門為大門東  
西為吏舍堂後為川堂為後堂西為使宅又西為靜

觀堂舊名梅花廳扁曰梅石雙清堂之前有活石亭  
今圯芙蓉石在焉石出土高丈許巖竇玲瓏蒼潤欲  
滴篆曰鐵雲傳是宋德壽宮舊物傍豎斷碑刻藍瑛  
所繪古梅一本枝幹如生迤西為耳房為西廂房為  
書房西南為書廳儀門外東為土地祠題曰觀梅古

布政使司

在清和坊迤西面城眉山

嘉靖浙江通志

宋南渡初為

殿司寨尋改安撫司復改祕書省元至元二十六年


自揚州遷江淮行省於此并開元宮址廣之改曰江

浙等處行中書省至順壬申重修

柳貫重修省府記至元二十六年制

改江淮行省為江浙行省自淮徙治錄塘統有兩浙  
江東而以淮東西分隸河南明年始營宋祕書省故  
地其制視都省稍殺焉後福建省罷全閩八州亦併  
來屬地蓋益廣山區海聚民伍兵屯奉賦租受要約  
者眾以數百萬計出號施令風動雷行東南半壁藩  
維晏然朝廷特選重臣以臨之柄任專則其體貌  
宜特隆位望尊則其禮制宜特異臺門設樹平津開  
閣所以辨堂廉而示特威者其品式昭昭具矣幸臣  
若曰吾為天子專制方面權綱攸繫有翼有嚴其命  
幕僚相時盡收完舊飾新無陋無奢中茲度程乃出  
緡於府徵材於市工用官備役用農隙昉自堂庭達  
於門闈易剝弊為堅良化茸闢為麗密堦城瑩淨聖  
廟鮮新氣稜藻井動采交輝表裏凝之黃閣映中天  
之紫地百司庶府奔走承命者咸改履易聽以為士  
大夫之治於其官猶人之修於其身也身修則心正  
而物止官治則事治而民安德則視諸其身政則視  
諸其官一省署之修舉而元脩學相之素蘊畢見萬  
於斯觀屬知室聞樂知德信斯言哉至順壬申記

歷杭州府志至正初殿三年丞相別見怯不花復拓



其制明洪武九年改今司署永樂十七年火宣德間

左司黃澤重建嘉靖元年在參政顧璘重建紫微樓

於堂後唐龍重建紫微樓記首大康初置中書省以平章政事省中植紫薇華唐開元中改為紫

薇省元於外道置中書行省我朝改布政司設有堂重之以樓題曰紫薇嘉靖元年顧公璘鼎建而紫薇

之名不易也

國朝順治十五年重建大門曰晉澤門前臨百獅池跨以

石梁門以內為甬道為儀門為屏門題曰藩屏重地

曰岳牧崇瞻北為露臺正中為紫薇堂康熙三十六

年

聖祖仁皇帝賜額曰承流宣化四十二年

御書清慎勤三字奉懸正中後為二堂扁曰行中書省仍元

時舊額也旁列東西二坊進東為使宅門榜曰紫薇

公署進內為二門為大堂題曰靖共正直申奉

御書福字額雍正十年

賜布政使臣王紘內為宅門為絜矩堂中奉

御書福字額雍正七年

賜前布政使臣程元章堂左為廳事三楹上奉

聖祖御書振鷺初飛四字額南為書室更東為舫齋西為一

琴書屋舫齋之南有重樓傑峙曰四照樓舊名天香樓絜

矩堂之北為正樓五間平房五間左右夾廂東為耳

房三間內書室五間後有園舊名後樂有亭曰後樂亭亭下有松化石疊石爲山以在使宅之西因稱西山紫薇堂之右爲督糧道署儀門之左爲經歷司使宅之南爲土地祠爲照磨所儀門之外東爲理問廳西爲寅賓館更南之西爲資盈庫規制宏敞實稱東南首藩云

按察使司

在前洋街  
紀家橋東

嘉靖浙江通志

故宋岳武穆王

宅也紹興三十一年以宅爲太學學燬元大德中改爲肅政廉訪司明洪武初改提刑按察司仍其舊址萬歷杭州府志洪武二十七年重建堂後有一清樓

歲久圯成化十年按察司戴珙重建爲堂并營夾室

徙民居闕道南出規制始稱

夏時正按察司修建記  
司治元江南浙西等處

肅政廉訪司舊治也舊址莫詳創始國朝改爲是司堂後有樓名一清將歷弗支正堂以下亦復頽敗憑漫弗鮮兩廡逼隘弗容外門低小弗稱皆非所以聳人瞻視成化癸巳戴公來長憲令行政清民物安堵因葺廢舉墜詢之父老謀之察案按籍得在官羨餘計若干及令諸道分司亦以羨來計若干盡畀之鳩工集材肇於歲之甲午九月落成於丙申四月樓撤爲堂仍以樓名名之堂左右爲夾室堂之前別爲堂曰協恭東西爲軒曰蓮桂曰來鶴正堂儀門則增飾之闕廡使東西各丈餘而外門特高大焉門之南去民廬不百十尺氣囂按堂階遂召民而告之民皆願他徙公盡以地之在官者與易而復給其徙之資於是自甬道南出矢直砥平檜柏夾楠蒼然整列設屏以蔽內外建坊以按察司三字題之外則長生街街東西復建坊東曰端本西曰澄源由街東出則睦親坊外臨通衢別建坊曰弼教西抵城址白龜池之上池

卽唐李泌所置六井之一建坊曰肅政使宅之東爲

嘉湖道宅杭嚴道宅清軍道宅巡視海道宅溫處道

宅金衢道宅西爲水利道宅驛傳道宅提學道宅

國朝設按察使司裁併道員其現設者則分設各道署而

司署仍其舊署之制中爲大堂康熙三十八年

聖祖仁皇帝御書廉察之寄四大字

賜按察司于準四十六年

聖駕巡幸至浙復

御書存素堂扁額俱崇奉正中前爲露臺爲甬道爲儀門爲

大門東西廊爲六房吏舍後爲川堂堂勒

御製按察使箴川堂之後爲同心堂

吳伯通同心堂記正統庚戌浙江按察使于大

節以凡事務歸於大公至正使同官者皆易知而易從焉更名廳之堂曰同心更後爲使宅

二門之外爲忠祐忠節二祠西爲土地祠爲禮賢館

大門外東西列二坊曰激揚曰振肅又東爲岳忠武

王祠爲經歷司爲照磨所西爲司獄司又照磨所之

東創爲候審所雍正八年糧儲道朱倫瀚捐建

朱倫瀚書

候審所始末候審所余署臬篆捐養廉創設也人犯解司文到卽投隨發分禁無許時刻逗留法綦嚴矣問或暮夜抵省文不及遞不得已仍帶至客寓門無防禦守土官又不及聞知設有疎脫誰其任之且銀錙楛桎或棲廊廡或受羈束聞者不能毋動於心去臬署不數武適有官地建屋三楹東西各五楹外爲大門周以垣牆不浹月而頓舍有所疎闊無虞又撥民壯十名專司防守其工食茂修則稽官地所餘賃

之民間者集其息時給之此又長外臺者  
之責非署篆所敢知也雍正庚戌八月書

糧儲道

在布政司南一  
在司二門內西

錢塘縣志在蛾眉山麓與布

政司對舊名南堂

郭子章題名碑記萬歷己丑冬余  
由蜀督學稍遷浙藩受檄糧儲兼

理漕政分署在司南跨吳山之陰踞蛾眉之椒寶月  
北連西湖右繞直際其巔則林麓蒼翳禽鳥間關如  
坐翠微凝眸遠眺則城市山川臚列在望土方氏謂  
地不華離若出而候若攬而有宛委回環宜土樹舍  
以故高賢名  
卿多出署中

國朝康熙十二年參議劉昌言重建漸圯雍正九年糧儲

副使道朱倫瀚鼎新之

朱倫瀚重建南堂記布政司  
南蛾眉山椒有糧儲道舊署

自前道劉君昌言徙藩署之西別建內署而南堂舊  
漸走鼯鼯叢荆棘廢棄者垂六十餘年內署既促窄  
非治事之居而南堂又日就坍塌用所不足而棄所  
有餘為兩失矣余受任之三年上之制廢制廢危議

聖祖仁

遂諏日鳩工葺毀創新緣舊制而參以地勢所宜前  
為大門與布政司相對迤東為二門門以內為大堂  
堂之後循階而升有亭一方周設牕櫺俯瞰諸節顏  
曰光明洞達再上為內署再上則已躋山巔  
皇帝御碑亭在焉自堂以後三歷階階率三十級翼  
以修廊挾以外廡吏直宿次環列有所費不及公役  
不厲民始事於辛亥之冬閱兩月告成董其事  
者布政司經歷陳廷訓理問高鑾千總王輝也 又布

政司內紫薇堂之西舊有督糧道署因南堂廳事後

逼近山麓廡宇無多故於總司二門之內別建內署

而以南堂為外署出而觀事為署門東向題曰紫薇

清署進內為二門額曰春臺南向更進為籌國堂上

奉

聖祖仁皇帝御書朱子書字銘後為衙堂康熙四十六年

御題祗勤二字額奉懸其上籌國堂之西為亦軒右有隙地

為箭道閣衛官騎射軒之南為舫室顏曰虛舟皆雍

正七年督糧道朱倫瀚捐建

朱倫瀚亦軒記糧儲道自康熙十二年劉君昌

言因南堂逼近山麓遷布政司之西偏為紫薇清署堂蕪卑隘每遇兌發之期弁丁擁擠不稱觀瞻脫有他事或僚屬往來求寸隙地容膝不可得也堂之西有屋數椽屋西南則曠為廢圃者幾數十弓謀創為退事之居而圃缺其西偏不能徑直詢之屋外則民間壞牆無所用余遂捐貲購之徹牆得地數尺鳩工掄材結屋三楹雲居月榭不招致而爭妍聳秀絡繹簾旌屋角間其南復建舫室以為暇時寧息之所舫室之西則闢箭道是即所為廢圃數十弓也舉眼看青山捲臂作餓鳴聲斗室中具足境界糧儲道始有接見賓客考驗弁員之地然不事雕刻無丹青之飾工竣而顏之曰亦軒昭其儉也 衙堂之西為樹滋書屋堂後住宅年久傾圮復捐建凝暉樓五

間兩傍俱增置夾室寢處庖湏始備

鹽驛道

在湧金門內太平坊

兩浙鹽法志宋乾德後增置諸道

轉運使太平興國三年開兩浙路轉運使署於鳳凰

山雙門內為南北二衙熙寧間移置於湧金門內元

至元十三年改為都轉運鹽使司

嘉靖浙江通志朱兩浙轉運使職司

漕挽課民利病鹽課特其兼領耳元改都轉運鹽使司專掌鹽課 明因之

國朝康熙四十九年改為鹽驛道署東瀕湧金河跨石梁

為轉運新橋建譙樓其上東向進西南向為計臺門

為玉帶橋水道湧金池環署合流曰環帶河入為前

道為儀門為露臺為經略堂左偏為經歷廳右為照



磨所東西廊為六房吏舍堂後為川堂為絜矩堂西為使宅有宅門有堂曰思補內有五間樓西為書廳後臨湧金池為水閣外有運副運判署分列於二門之內如左右翼計臺門以東為將盈庫西為架閣庫前對鬻宮後連駐防營規制尤整肅云

寧紹溫台分司

在鹽驛道大門內西

兩浙鹽法志明置兩浙都

轉運鹽使有同知副使判官為之貳又設嘉興松江寧紹溫台四分司而以同知領松江以副使領寧紹嘉興溫台則兩判官分領之寧紹分司舊在紹興府治之火珠山側即宋錄事司故址也元大德間建明

因之

國朝康熙二十年裁運判一員并溫台分司於運副而紹興之署亦久廢不居今廨在運司計臺門之右門東向進西為二門為作和堂南向後有二堂有三堂迤西為內宅折而西為六漱軒引環帶河水為池運副謝棠題曰激灑餘波

嘉松分司

在鹽驛道二門內東

兩浙鹽法志舊制以轉運使同

知領松江分司而嘉興分司則運判專領之松江分司署舊在下砂鎮宋建炎中置明嘉靖癸丑毀正統間遷於新場鎮之北今廢嘉興分司署舊在嘉興府

治廣平橋西卽招提寺址也南爲寶花倉今亦久圯  
國朝康熙四十三年裁運同以松江分司併運判卽遷運  
判於運同之署在運司二門內之左門西向東入爲  
二門南向有堂曰清鑑後有二堂凡三進制與前堂  
均折而東爲書冊房又南爲書廳

海防兵備道 雍正十一年新設駐劄海寧

督標中軍杭協水師副將

在營如坊

舊浙江通志分守杭

嘉湖道

國初改爲會議府後改爲城守副將署

舊設浙江督標三營官康熙二十三年裁併福浙總

督雍正五年巡撫 臣 李衛奉

特旨陞授浙江總督題改杭協副將爲督標中軍官署門

東向題曰杭協鎮進內官廳三間儀門三間南向居

中大堂三間舊額至公堂康熙四十五年杭協副總

兵官吳開圻更題曰問心堂堂之東爲廳三間曰思

繼堂開圻子進義亦居是職故書是額 吳進義思繼

者家君鎮此三載移節章安今余自章江調任茲土

相去二十載每思家君以有榜一甲第三出典戎務

聖恩優渥志在潔已愛人忠誠報國余媿謏材何能仰

繼惟勉職業雖自公之餘亦不敢少圖暇逸爰新

斯額漫綴數語以誌吾志云爾 堂西箭廳三間雍正四年陞任崇明

總兵官李燦建堂後爲宅門門內正樓五間雍正七

年九月吳進義捐建題曰湖山湧秀餘為羣房廚房

硝房馬房皆先後漆葺

撫標中軍參將 在城隍牌樓內南首夾道

擊一員雍正九年改撫標中軍游擊銜為參將署在

紫陽山之左門南向進內為儀門為大堂為住房為

書房為羣房去通江橋不百武密通院署

謹按公署與職官相表裏例敘文職於武職之前故省會則先督撫而後駐防都統各郡則先道員而後總鎮先府廳而後副參游都惟提督總兵官雖駐劄寧郡而統轄全省水陸故特敘於道府之前督撫中權均有表率之任故連敘於道員之後查舊志公署不列武職未免闕略今補載至守千衛所等署既無舊籍可稽其駐劄處所已略載兵制茲不復見

貢院 在觀橋東

萬歷杭州府志宋時在觀橋西新莊橋東

元時在祥符橋明洪武初在府學西即仁和學基也

其後人才寔盛又以嘉湖二府來屬地狹不足以容

席舍天順三年改今所乃仁和倉舊址也成化十年

左布政使張瓚克拓而增飾之 商輅重修貢院記近世試士之所謂之貢

院重垣薦棘防範既密去取尤嚴禮法並行不相悖也浙江東南巨藩人才科目視他邦為盛舊貢院在郡庠西已而遷至東北五里視舊地寬廣幽靜重門高墉內外謹嚴歲月既久寔至頽圯成化甲午當開科之歲左布政使張公瓚右使甯君良按察使戴君珙圖惟修舉以事白之巡撫劉公敷議克合遂鳩工論材筮日舉事朽者更之腐者易之卑者崇之隘者在官之役財出於公帑之羨無擾於民經始於是歲春正月至夏六月告成規模宏麗甲於他省馳書來

京屬余記予惟科目取士禮也防閑之者法也法輔禮而行禮因法而成此貢院之修建所謂澄源端本急所先務者矣嘉靖四年巡按御史潘倣新選秀堂至公堂

拓明遠樓築瞭高樓規制大備王守仁重建貢院記浙之貢院舊在城西

嘗以隘遷藩治之東而苟簡仍其舊嘉靖乙酉復當大比監察御史潘君倣實來監臨與諸司之長佐慎

慮其事而預圖之慨規制之弗備弗飭相顧而言曰凡政之施孰有大於舉賢才者而可忽易若是乎於

是新建秀堂而軒於其前為三楹新至公堂而軒為五楹意福器具無不備又拓明遠樓為三楹而崇其

上三層下疏三道削石臺於四隅而各亭其上以為眺望之所森嚴洞達供事者莫敢有輕忽慢易之心

而就試者自消其回僻匪邪之念不大聲色而政行令肅觀向一新是舉也其必有才德行誼之士如三代之英出而應諸君子之求以成天下之治也

二十五年巡按御史楊九澤

易南隅民居闢路遷門復加繕治

國朝德教覃敷人文蔚起每舉賓興之典輒加增葺因應

試者多至數倍舉子號舍舊設四千八百五十間

康熙二十三年巡撫趙士麟增建五千一百二十間猶

不敷用添取轎號五十年巡撫王度昭復添建二千

三百間共一萬二千二百七十六間直省號舍之多

無過於浙者院之制中為至公堂左為監臨別署東

為彌封所西為受卷所前南甬路之中為明遠樓東

西為文場號舍四隅為瞭高樓甬路之南為坊曰龍

門又南為儀門為大門至公堂之後為川堂為洗心

堂東為監試署文冊庫膳錄所西為提調署為掌卷

對讀所洗心堂之後爲協忠堂更進爲聚奎堂爲正副考官署爲五經房儀門之外東爲供給所西爲巡綽所大門外東爲三司廳西爲外供給所東西長廊爲諸生候立處直南表坊曰天開文運東西坊二曰明經取士曰爲國求賢迤南而西曰登雲橋立坊曰貢院雍正七年欽奉

恩旨開科總督臣李衛因貢院年遠坍塌酌撥備公銀兩飭總理官將聚奎堂明遠樓及四面瞭高樓重加折建并葺東西文場舉子號舍盡甃磚石重修主考房內外整肅規制一新

演武場

一在錢塘門內一在候潮門外

舊浙江通志宋景靈宮及錢

塘縣故基元初改爲教場明因之每三年舉武士試馬步箭及每年按撫練兵都指揮操演官軍之所其制西倚城東南北三面繚以垣墉地廣三百一十六丈東南爲門二中爲演武堂

國朝設滿漢駐防官兵以錢塘門教場爲駐防營較閱之所其督撫操演官兵及武闈大比俱在候潮門外樞木營面南照牆一座將臺一座東西鼓亭二間正中官廳三間題曰演武廳進內川堂二間二堂三間額曰耀德揚威右偏看樓一間左首爲廚房爲守宿房

南為馬王廟北為關帝廟雍正七年總督臣李衛重

建以下各府演武場俱詳見兵制不重載

皇華館舊名虎林書院在清和坊北大街

舊浙江通志虎林書院明

撫院舊府也萬曆二十七年浙江巡撫甘士价建錢

塘縣志明卜講堂於城中得撫院舊府改建前為大

門署曰虎林書院中建明賢堂左右為門中為甃道

堂堂後為友仁堂左右各建三館以待諸生肄業及

四方來學者最後有藏書樓明季已廢人但稱舊府

國朝康熙三十二年建敷文書院於萬松嶺士子皆就敷

文肄業舊府舍宇傾圯僅存堂屋數楹因地處城市

然一新而此外於藩伯署前又整修一公所為副使居停之地由是兩浙省會之區縮衣適館不致僭儻民居喧阗雜沓豈非一舉而兩得者乎然創之不易守之更難賓興鉅典例逾三載往來星使亦非久居則此署仍多開曠恐將來按年修葺又無經費計惟浙省提鎮以及分巡外道多駐劄海濱省城向無行臺議令嗣後公事至省亦得於此二處駐節每次既省儉寓之值亦可量助歲修之資則又人有所止費有所出可以垂之永遠而不廢是亦政修事舉之一也爰誌經理之日月書其事而勒諸石時雍正八年歲次庚戌清和日記

杭州府

杭州府治在豐寧坊竹園山

成化杭州府志漢以來皆治於

武林山隋以來始治鳳凰山唐及五代前宋皆因之

建炎以後即其地為行宮而守臣始於竹園山建治

所嘉靖浙江通志吳越錢氏即州治建國至宋納土以其國為州治高宗南渡改為臨安府因築行宮於  
 於鳳凰山遂徙府治於今所元末為杭州路明洪武初  
 改路為府即舊址以建府治萬歷杭州府志宏治十  
 五年知府楊孟瑛修楊孟瑛修府治記予自刑部郎中出守杭郡及門門圯升堂堂  
 撤退食於寓支柱炭炭勢幾仆謀之二守杜君克善  
 告於巡按得報可取資於公帑屬社君董役樽節費  
 出懲勸惰勤閱十一月訖事表觀望嚴啓閉為重門  
 為楹間者三度版籍藏貨財為府庫為楹間者亦三  
 罪有重輕故獄有外內為楹間者五十有八羨材無  
 所於委於是貫堂之後以延賓客而守所寓與二守  
 所視事廳咸更新之費公帑千六百緡有奇用人之  
 方稱是自記顛末著杜君之勤志區區之不得已也  
 嘉靖二十一年知府陳仕賢重修親賢館

之中人居稠密向為朔望宣講

聖諭之所雍正八年四月改為皇華館

李衛改舊府為皇華館記大臣受天

子命建節一方則官吏之賢否民生之休戚軍政屯  
 牧之整飭廢興人心風俗之表率化導無不舉而責  
 之於身雖竭手足之力耳目心思之用勞神瘁精蚤  
 夜區畫猶慮識見有所未周上無以荅聖天子倚畀  
 之殷下無以慰眾士庶仰望之意其敢優游公府稍  
 自暇逸乎哉余自雍正四年春始蒞浙撫之任五年  
 冬蒙

恩擢浙江總督仍兼巡撫鹽權事旋

命節制江南加兵部尚書太子少保受

國厚恩至深極渥凡地方事宜雖縷短汲深而此心不  
 敢不盡數年以來諮諏採訪於江海塘岸之隄防湖  
 河澇堰之修濬田疇水利之蓄洩城郭墩臺之備禦  
 與夫橋梁道路圯闢營房築壩開渠古蹟賢祠等類  
 凡有益於民生者設法籌畫次第舉行率費不浮靡  
 而事得粗辦獨念  
 國家賓興大典三歲一舉乘尺衡文之使來茲土者向

無一定館舍臨時輒借民房以停行李又奉頒

詔旨或有經由差審事件其星輅暫駐之地亦當為之重

體統肅關防而民居湫隘喧豶雜沓非所以尊

王人而恤事機計當專設一館然鳩工庀材動糜帑課

存之於心非一日矣鳳山門之北有明時撫院舊署

昔人名虎林書院後則用為講約之所夫宣講

聖諭當令遠近士民無不觀聽今泥於一方就近院署草

率了事則省城周圍數十里土著之人東西散處安

能每逢朔望羣趨畢集且近處闌閘朝夕往來不遇

擔漿負販之徒聽聞歷久漸將視為具文余下車以

來酌地遠近分設十門內外以次輪講俾僻遠細民

咸聆

聖訓以無負

聖天子諄諄化導之至意而此處又經年累月鎖鑰塵封

矣屋無人居遂成虛設頽瓦崩堵剝落簷牙日且益

甚因念向為

欽使謀一專設之館舍此奚擇而可任其傾圮哉遂筮吉

日捐公費以集事選屬員以經理毀者復之壞者修

之堂若干楹寢若干楹停車馬舍僦從以及吏胥職

役居處共若干楹門鑰有禁庖滷具備丹堊繪煥

國朝康熙十三年知府嵇宗孟重建府治二十四年知府

馬如龍因川堂久廢重建顏曰越石堂雍正八年知

府喬世臣重修正廳為燕白堂舊為體仁堂知府馬如龍改今名杭州府

志宣化堂元府治正廳也今體仁堂即其址前為露臺為甬路為戒石亭

為儀門東西廊為六房廨為架閣庫儀門之東為經

歷司為土地祠西為照磨所正堂之後為川堂為有

美堂成化杭州府志宋守恂建蔡襄書名勝志在吳山頂今故址不存而府治後堂尚仍其名

又後為知府宅題其門口清惠公署內為敬事堂左

有琴鶴堂後有樓曰極高明內署東為土地祠祀宋

蘓文忠公軾正堂之東為清軍同知廳後堂西北為



資盈庫為理事同知廳為水利通判廳東西廊後暨  
清軍廳東皆吏舍儀門外東為親賢館為司獄司官  
吏解大門外為坊一前臨河上跨石梁曰宣化左右  
石坊二東曰親民西曰平政

謹按漢書郡國志沛國有刺史治伏查康熙字典云  
凡州郡所駐曰治又訓治為理故唐書地理志亦稱  
州理是理與治即署也猶言出治之所  
也舊通志凡府縣署皆曰治今從之

清軍總捕同知 在府二門內東 中為理法堂左右為吏廳後

為川堂為退思門東為土地祠進內為宅門為衙堂  
曰比義堂後有樓為寢室為耳房東為書廳雍正八  
年同知李飛鯤捐葺大門外有郡司馬坊

理事同知 在府堂西 錢塘縣志舊為理刑推官廳明萬曆

初推官王涖改碧蓮館為之在縣治西

國朝康熙六年奉裁今改為理事廳

東塘海防同知 雍正十一年新設駐劄海寧

西塘海防同知 雍正十一年新設駐劄海寧

督糧水利通判 在府二門內西北 杭州府志府後堂西北有

局糧水利二通判廳今局糧改理事同知其糧務歸

併水利廳分署通判廳在城東北塘接鎮嘉靖二十

五年督撫胡宗憲題請增設主捕盜今奉裁

杭協中軍都司 在保安坊 署東向大門三間左右廂房五

間土地祠一間儀門三間大堂五間左右廂房六間  
川堂二間書房一間二堂五間左右廂房二間後樓  
五間左右廂房各三間東首馬神廟三間馬房三間  
右首箭廳三間康熙七年創建

錢塘縣治

在府治右

萬歷杭州府志

漢魏時在靈隱山麓

後徙錢湖門外唐武德四年徙錢塘門內宋南渡後

徙紀家橋華嚴寺故址

樓輪錢塘縣題名記錢塘古都會繁華甲於東南高宗駐

蹕於茲民物百倍於舊附郭二邑事體浸重他郡邑莫敢望紹興二十七年有旨錢塘仁和比開封府祥符兩赤縣中書擇才授任秩滿許以陞擢於是選任又重仁和乃錢塘之分故錢塘尤重焉紹熙二年宋君珩始至興治撥額半以無事裒集前任人名刻石以記之使後有考焉

錢塘縣志明

洪武四年知府劉文以附府署為便徙今處在城西

南之豐寧坊前臨吳山後帶湖水

清波門湖水自流福溝入宣化橋

國朝因之康熙五十三年燬署縣事樊琳重建正堂曰如

保堂甬路南曰戒石亭儀門曰朝宗首縣儀門東為

大門堂後曰亦保堂為內衙堂東西為庫又東為典

史廨其西為丞廨東西為六房儀門內東為土地祠

西為獄儀門外東為寅賓館西曰申明亭旌善亭

仁和縣治

在府治左

嘉靖浙江通志

梁龍德二年析錢塘

鹽官置錢江縣宋太平興國四年改今名舊治在武

林門內梅家橋西宋徙招賢坊

今興賢坊

紹定間令胡巨

卿重建喬行簡重建縣治記仁和在吳越時為錢塘

名建炎南渡邑視赤縣縣宅莫詳締建之始紹定壬

辰胡若巨卿來領縣額廳庭宇岌岌動搖凜乎將壓

京尹余公捐錢四百萬俾更之令承命惟謹度財賦

功增庫培薄易湫隘為顯敞自廳宇廊廡寢處庖湍

無不撤其舊而新之率作典事萬歷杭州府志元以

不勞於民不愆於素是可書也

附府為便徙今處洪武初復遷興賢坊舊浙江通志

洪武四年知府劉文收元錄事司為今治二十七年

燬縣丞邵英重建杭州府志正堂為無倦堂東為丞

宅西為典史宅土地祠在儀門外堂東西為六房中

為戒石亭後為庫外為申明旌善二亭

國朝改無倦堂為明親堂縣門西向雍正九年知縣董怡

曾闢東廡南出跨河為梁啓正門而扁其西得嚮明

而治之義焉

海寧縣治在崇儒坊西成化杭州府志宋太平興國

四年建七年令王昞重建正廳紹興元年令陳恕重

修元元貞二年縣陞為州廳仍宋舊延祐二年學士

趙孟頫書帥正二字為廳額元統三年判官任惟勤

重修海寧縣志明復為縣洪武三年建官吏宅舍於

廳之後正統九年令伍服重修宏治十六年令孫旻

重建譙樓至嘉靖十五年隳敝令嚴寬新之萬歷五

東仙津江通志 卷三十一  
國朝順治十一年知縣秦嘉系又加葺焉治廳三楹顏曰  
節愛明中丞溫純書中堂三楹爲退思軒今復爲清  
愛堂後堂三楹原額帥正後住房三楹在帥正堂後  
又耳房三楹陽春堂五楹久廢始復內書室三楹在  
西側舊書室三楹在直北丞廨在治廳東典史宅在  
治廳西北儀門三楹外譙樓三楹廨宅後舊有圃圃  
有堂曰平政曰綠繞有亭曰錦香曰仰高曰梯雲西  
廳之後有便室曰讀書林其側曰進德齋花竹夾徑  
松檜參天爲公餘遊憩之地皆宋時遺蹟云

富陽縣治

在城東北

嘉靖浙江通志唐咸通間縣令趙納

建宋嘉定間令呂昭亮重建元末燬明洪武九年知  
縣楊敬儒建杭州府志呂昭亮始移本處宣德九年  
令吳堂更新之

國朝順治五年知縣朱陞臣重建康熙元年朱永盛增建  
譙樓九年知縣牛興建堂堂之前爲軒爲甬道爲戒  
石亭爲儀門後爲川堂爲後堂後堂之左曰斐如堂  
堂後有樓周以新篁曰萬竹樓宋李彌高揭扁於堂  
後東曰不欺室西曰讀書齋明縣令吳堂作不欺室讀書齋銘堂左  
爲典史宅又東爲縣丞宅儀門外爲寅賓館土地祠  
縣門有譙樓

餘杭縣治

在茗溪之北  
通濟橋西

成化杭州府志按輿地志治

舊在溪南後漢嘉平二年縣令陳渾徙於溪北宋宣

和中燬縣令江袞重建建炎間燬縣令張永嗣復

乾道四年改創縣門鼓樓紹定癸巳令趙希磐新之

元大德五年達魯花赤忽都魯沙拓廣之延祐二年

縣令王昌又新之至正末又燬明洪武二年臨安縣

主簿黃思道署縣事重建永樂七年知縣林源重修

餘杭縣志正統間縣丞邱熙岳重建川堂衙舍弘治

元年知縣孫冕以譙樓太偃儀門遷四十步許十五

年知縣冉繼志復建後堂嘉靖四年縣丞賈明通重

修正堂增置衙舍知縣曾玉山重修大門儀門六年

知縣王確仍於後堂東偏建思補亭萬曆三年知縣

萬士楨重建譙樓三十一年知縣程汝繼改建譙樓

題曰清遠并改堂衙創集瑞樓三十九年知縣戴日

強建武林首鎮坊

國朝康熙八年知縣張思齊重修內署衙舍添建南北書

屋各三楹後建寢室復以至簿舊衙廢址闢為縣圃

治廳東北為丞宅東南為典史宅

臨安縣治

在東市太  
廟山右

臨安縣志宋以前治建高陸鄉

溪東石刻碑尚存宋景定三年令家之巽移建西市

保錦山明洪武初知縣袁思謙移置東市

國朝因之中為忠愛堂明袁思謙建後燬康熙二年知縣

楊琳重建六十年張淑郡重葺堂左為耳房庫右為

架閣庫前為戒石亭為儀門為大門上建譙樓堂後

為縣衙內廳樓二所有古柏亭亭參漢堂東北為簿

解奉裁廢東南為典史宅

於潛縣治在石柱峰右於潛縣志唐武德七年以縣置潛

州治在豐國後鄉八年州廢復為縣徙治今所宋政

和初令韓瓘改廳事南向隆興初令葉衡於廳事東

築退思堂元慶申衡入相令邵文炳名其堂曰袞繼

元至元五年建譙樓明洪武二年知縣梁誠增建門

廡官解吏舍宏治十七年知縣嵇錫重新正堂嘉靖

二十四年令陳煊於後園鑿池築亭其上曰後樂二

十七年令汪石川收曰培竹

國朝順治三年知縣張予信重建治廳前為戒石為儀門

東為幕廳又東為知縣宅前為典史宅治廳後為川

堂為後堂儀門外為倉為獄南為譙樓門外為保釐

坊

新城縣治在城南隅成化杭州府志縣治自三國吳黃武

五年始置其署因革莫考新城縣志唐長壽中建宋紹定六年

公署上

邑令陳岐建治廳丞相鄭清之書縣額咸淳七年邑令陳君寶建縣樓於儀門之南其丞廳簿尉司皆在治外元至元二十六年縣尹韓復重建縣廳至正末燬明洪武元年知縣徐弼重建新城縣志宏治五年知縣林善建後堂川堂正德十六年知縣梁相撤譙樓建大門嘉靖四年知縣李應春克拓基址重建譙樓

國朝順治十八年知縣吳敏含建正廳康熙十年知縣張瓚題曰親民前為架閣庫為公生明亭為儀門東為土地祠西為君子堂南為譙樓川堂後曰深清堂堂

後為縣宅堂右為典史宅川廊西有種花處上有旌蓮亭前有月池池外半畝花柳鮮妍梅竹娟潔池有紅白蓮中架木橋四洞以通出入

昌化縣治

在唐山南

成化杭州府志唐垂拱三年始置紫

溪縣治乃今於潛縣之潛川鄉也萬歲通天元年析紫溪縣地別置武隆縣徙治於唐山之南其後縣名沿革不一而皆治於唐山宋宣和中令錢冰重建廳署昌化縣志元大德間達魯花赤愛丁重建至正末燬明洪武二年令李質徙山趾為儀門治廳曰應宿堂嘉靖壬寅令馬逢伯改曰牧愛堂廳事後為清白

堂為知縣宅萬歷四十二年令康萬有重構即其內  
書樓新之曰吏隱齋清白堂之東有耳房庫西有滴  
翠亭左為架閣庫右為幕宅南為戒石亭前為儀門  
門左為親賢堂右為土地祠前為譙樓

勅修浙江通志卷三十一

公署

嘉興府

分巡杭嘉湖道

在府治西  
北靈光坊

嘉興府志舊為按察使分

司後改嘉湖分巡道

國朝康熙九年復為杭嘉湖分守道

舊浙江通志分守杭  
嘉湖道在鎮海樓南

後改駐嘉  
湖二府

二十五年改為浙江學院公署雍正四年

杭嘉湖三府專設分巡道一員學院移駐省城嘉湖  
道衙門仍歸本道駐劄中為大堂前為儀門為大門  
東西為府縣候廳重加整葺一如舊制



嘉興府治

在城南隅

太平寰宇記

秀州理嘉興縣本蘇州

嘉興縣地晉天福四年置宏治嘉興府志宋改為郡

為府為軍府元改為安撫司為路皆仍其處至元嘉

禾志嘉興路總管府衙在子城內舊府治也

嘉興府圖記子

城亦名子城亦日府牆圍二里十步高與厚俱一丈二尺

宏治嘉興府志吳元年改路為府正廳名端本堂後廳名清香堂洪武中知

府劉觀葺而新之

國朝康熙三十六年知府黃家遴重修以清香堂舊址為

道珍堂

朱彝尊道珍堂四太守廣寧黃公治其廨長水之南池中芙蓉一花並帶綠房垂實公嘉

績之所名也芙蓉雖小草而江淹之辭日一為道珍二為世瑞致之非易也郡治有清香堂其來久矣廢

且百年公考舊址復新之儒者為政之道存焉宜其始建而珍果適應其瑞也請以名堂遂為文以紀之

雍正六年知府閻堯熙復修堂後為川堂為內宅堂

東北隅為軍資庫西北隅為架閣庫左為吏廨東西

為六房吏舍下為丹墀為甬路中立戒石亭儀門外

東為土地祠祠南為延賓館折而西北為經歷司為

照磨所儀門南百步為府門

宋景定中知軍陳垣葺

上有譙樓

設鐘鼓左右有棨樓

嘉靖戊申知府趙瀛修

南為屏門

舊為照牆明萬

曆中知府龔勉改闢

東西石坊二日承宣日撫字

康熙元年知府劉漢傑修

承宣坊東為總捕廳

康熙五十七年移駐乍浦今改城守都司

撫字坊西

為總巡廳屏門上為坊題日首藩名郡

東傳海防通志 卷三十一  
海防督捕同知 在乍浦所南門內

平湖縣志 舊為把總司署

國朝康熙五十七年改為駐防公署

督糧水利通判 在撫字坊西

舊嘉興府志 明宏治間知府

柳琰建

國朝康熙三年通判改作霖重建中為正堂前為東西吏

廊為儀門門東為賓館前為大門廳後為內宅有重

門廳軒寢室翼室

校士館 在府治西北靈光街

嘉興府志 宏文館即布政分司明

崇禎中知府鄭瑄建為督學校士之所相傳為宋監

倉東廳中為大堂後為川堂為寢室後有亭東為書

房西為庖室堂東西為號廠前為儀門東為賓館西

為土地祠大門外東西為府縣官候廳外有坊二曰

文章司命曰風教提衡

嘉協副將 在府治西北

嘉興營原設副將一員順治十一

年改設遊擊駐劄海鹽康熙五十年福浙總督范時

崇題改遊擊為副將駐劄府城彈壓七邑五十四年

副將何肇彩增設衙署

協標中軍都司 在府治東

嘉興府志 即舊察院基初為推

官署

國朝康熙六年推官奉裁改為同知署五十七年同知移

駐午浦雍正六年添設都司改為中軍都司署七年  
都司呂上懋重修

嘉興縣治

在府治東  
北二百步

宏治嘉興府志晉天福中陞縣

為州即縣治改州治而別建縣治於此宋元及明因  
之宣德八年縣丞傅霖重建公堂軒廳正統間知縣  
王錦重建譙樓舊嘉興府志宏治六年廳堂燬七年  
知縣黃澤再建

國朝康熙六年知縣金鏞闢照牆為坊表十四年知縣梁  
冲霄重建譙樓二十一年知縣何鈺重建延賓館修  
葺後堂中為治廳廳西為丞廨西北為簿廳東為尉  
廳右為軍器庫西北為架閣庫治廳之前為甬路為  
戒石亭左右為吏廊前為儀門左為延賓館為土地  
祠右為獄又南為譙樓治廳後為川堂為燕堂直北  
為縣宅有凝芬亭亭西為修廊為來鶴軒前有壁山  
稍折為靈官祠為琴書室

秀水縣治

在府子城  
西北一里

宏治嘉興府志明宣德五年吏

部員外郎李亨相地於此嘉興府圖記知縣趙忠始  
建舊嘉興府志萬歷間知縣李培修

國朝康熙三年知縣王廷機葺堂署廊廡重門十二年知  
縣李見龍重修大門中為正堂曰節愛堂右為西耳

庫南爲甬路爲戒石亭東西爲吏廊又南爲儀門左  
右各翼門又直南爲大門縣堂後爲川堂爲後堂直  
北爲公廉堂後堂之右爲軍資庫架閣庫東北爲縣  
衙儀門外左爲土地祠延賓館右爲獄南抵大門爲  
東夾道夾道之北爲丞署折而東爲簿署東北爲尉  
署治北爲縣圃有池爲亭曰嘉禾亭

嘉善縣治

在府城東三十  
六里魏塘鎮

嘉興府圖記明大理卿胡

榮度地定基宏治嘉興府志宣德五年知縣鄭時領  
印開設正統六年李遜繼知縣事凡未備者漸加增  
飾規制頗完嘉興府圖記成化中知縣汪貴宏治中

吳傑嘉靖中縣丞倪璣皆增葺之嘉興府志崇禎間  
知縣馬成名以治基前昂後窳鳩工改建

國朝順治十三年知縣方舟重建蒞政堂康熙十一年知  
縣莫大勳十六年知縣楊廉相繼重修堂後爲燕堂  
爲內宅爲對越堂正堂東爲大庫西爲架閣庫前爲  
甬道爲戒石亭兩翼爲吏廊南爲儀門門內右爲軍  
器庫西南爲土穀祠祠西爲延賓館後爲獄又直南  
爲譙樓儀門外西爲丞署東爲簿署爲尉署

海鹽縣治

在城東  
北隅

嘉靖浙江通志唐以前徙置不常

開元中建於今治之右陸居仁帥正堂記元泰定丙

寅達魯花赤李蘭奚改建廳治

國朝康熙五年知縣湯其升重建縣門中為正堂堂北為

清心堂明令李當泰改名雙瑞移清心名後堂正堂

右為架閣庫為軍器房前為甬路為東西吏廊為戒

石亭外為儀門西為土地祠南為鼓樓為親民坊西

為鹽廩為賓館儀門內左為丞署儀門外左為簿署

為尉署

石門縣治在城內  
運河塘

嘉靖浙江通志崇德縣治晉天福

三年置宋建炎兵燬紹興二十四年令黃揚復建宏

治嘉興府志元時陞為州明洪武元年改州治為縣

治嘉興府圖記明正統中知縣焦寬宏治中吳浚湯

沐正德中洪異典史李滋皆建葺之石門縣志天啓

間知縣陳宗湯重建正堂顏曰作新

國朝康熙元年改崇德縣為石門縣作新堂之後為四知

堂順治十年知縣陳邦寄修改曰敬事堂庫在後堂

東北令宅在後堂後康熙十二年知縣杜森改建衙

堂曰勿欺後又改曰思敬其西有園萬歷辛丑陳令

允堅闢中結四桂為亭榜曰卧月丞宅在庫東簿宅

在正堂西尉宅在西堂東前為甬道為儀門東為延

賓館東南為土地祠更東為儀仗庫前為譙樓

平湖縣治

在當湖鎮

嘉靖浙江通志明宣德五年知縣王

簡建正統中知縣徐韶重建宏治四年知縣林奇拓

而新之嘉興府志天啓中知縣顧國寶修平湖縣志

大堂曰忠愛

國朝順治十八年知縣金鍛重建改忠愛曰潔愛堂東北

曰永盈庫架閣庫前為戒石亭為儀門西為獄為土

穀祠為儲鹽所右為寅賓館左為簿署外為譙樓堂

北為川堂又北為燕堂東為軍器房東北為內宅中

有廳事西有天香亭觀月臺堂東北為贊政廳龍亭

庫又東北為丞署南為典史宅

桐鄉縣治

在梧桐鄉鳳鳴市

宏治嘉興府志明宣德五年設

知縣王用和草創廳事趙中建正廳嘉興府圖記天

順初張泰成化中孟俊梁敬宏治中王昊正德中任

洛皆葺治之堂後為燕喜堂舊名和衷堂和衷之後

左愛棠軒右仕學齋

國朝順治八年和衷堂燬康熙間知縣徐秉元重建又孫

郁修建池亭正堂右為架閣庫燕喜堂左為儀仗庫

前為甬道為戒石亭為東西吏廊解東為丞解縣治

外東偏為簿解丞解前為尉解

湖州府

湖州府治 在子城內正北 萬曆湖州府志 吳寶鼎元年建卽

烏程縣故治也嘉靖浙江通志 唐宏道中刺史武太

冲磨拓修繕後梁檢校少保錢傅璟重作廳事湖州

府志宋元祐七年知州事張珣增建元改為湖州路

總管府至大間總管馬煦建廳事解字至正五年達

魯花赤苦思丁重修 宇文公諒重修府治廳記吳興

流金蓋諸峯峙其前蒼下其區互其陰民俗文雅清

醇素稱易治王謝顏蘇之流風猶可尚也舊治重建

於至大間垂四十餘棟宇欹樓墻頽圯至正五年

冬今郡守苦思丁公念民久困不忍輕用其力於是

計孳生積鏹斥去浮費取其贏餘擇吏之廉能者董

其事未幾完舊益新門廡赫奕廳堂邃嚴獄府器僚

靡不周葺垣墉壁茨工告畢役而民殆未始知也

於是頌公之德而樂其有成咸請紀之以示來者

洪武三年知府侯善新之天順四年知府岳璿重修

成化九年知府勞鉞復新之隆慶五年知府栗祁重

修中為正堂左為豐德庫右為架閣庫堂後為軒為

後堂顏曰魯公舊治正堂東為經歷司西為照磨所

東西為吏廊前為戒石亭為儀門左右為榜廊東為

迎賓館西為司獄司又前為譙樓知府解在後堂後

有畫錦堂在郡宅東訟希齋在廳事西郡圃內有逍

遙堂思政堂清樾亭挽翠亭歲寒亭

督捕同知 在烏程縣烏鎮 舊在府治

國朝康熙元年移駐烏鎮改烏鎮捕盜同知十八九年間



因衙署坍圮仍回郡城雍正四年巡撫臣李衛復題請移駐烏鎮以資彈壓六年設立烏鎮駐劄衙門

管糧通判

在子城內

萬曆湖州府志宋治平三年張大寧

建明嘉靖五年通判胡瀚卽養濟院舊基改建萬曆

二年知府栗祁重修中爲正堂堂後爲川堂燕堂爲

內宅前爲甬路爲儀門爲大門廨內舊有麗澤亭

校士館

在府治東南

修建年月無考中爲大堂東西爲號

廩前爲儀門爲賓館爲大門門東西列府縣侯廳堂北爲燕堂爲內宅

湖協城守副將

在府城縣橋舖

烏程縣志舊係民房改建

協標中軍都司

在叢桂舖

烏程縣治

在府城西一里

萬曆湖州府志舊治在子城內卽

今之府治晉義熙間遷唐時肇建廳事烏程縣志宋

大中祥符間知縣薛耀卿重建湖州府志乾寧三年

知縣余蟾重修

楊夔重修縣治卽余公再尹烏程節冗費之用資贖辟之金財以儉而蘊

人以悅而使不期年而衆宇鼎新若換大門中門修

大廳小廳砌縣之外城創宅之周垣修衆僚之宅制

公廳什器公帑摧敗乃擇堅選宏厚厥垣嚴厥闔闔

扉頽危乃剗積弊滌宿汙席以潔其榻食以茹其餼

公前任日崇修聖祠爲文纘功今元至正十二年蓬

復樹此弘烈蓋以慰縣人之思也魯花赤兀訥古赤重建增譙樓戒石亭明洪武二年知縣危止重建正德十三年知縣陶益修嘉靖三十



六年知縣蔣宏德重修

國朝康熙十四年知縣高必騰重建治廳曰懷保堂後為軒為後堂東西為耳房為庫廳東為鹽廩前為甬道為戒石亭東西為六房又前為儀門西為架閣庫儀門外東為賓館後為土地祠縣廨在後堂後明景泰間知縣宋彬建內有相國池有亭名東亭廨內舊有公生明軒製錦堂丞廨在縣堂東南簿尉廨俱在廳事西

盛安縣治

在子城東

萬曆湖州府志宋太平興國間置

宣和四年縣令錢紳重建廳事元縣令呂儀增建後

堂達魯花赤怯烈復撤舊新之明洪武二年重建十一年知縣陳良修嘉靖四年知縣劉迥重修三十年知縣張師价重建縣堂堂後為川堂為後堂廨內舊有敬臨堂絃歌軒拙齋雙桂堂今有尊美堂治廳前為甬路為戒石亭為東西吏廊為儀門為賓館為土地祠為大門儀門內東為丞廳極東為簿廳治廳西為尉廳治前有溪光亭瀕溪

長興縣治

在城內西北隅

太平寰宇記本漢烏程縣地初置

於富陂村晉咸康元年徙箬溪北隋大業十一年徙於夫槩王廢城唐武德七年始移於此嘉靖浙江通

志宋開寶六年重建廳事萬歷湖州府志建炎三年  
燬紹興五年縣令張琮重建紹定二年縣令史巖之  
增建紹定五年縣令趙汝謐重建正廳元至元丁亥  
縣令梁琮重建貞元中改為州署明耿炳文守長興  
改為元帥府復以元時捕盜司為州署尋改元帥府  
為長興衛指揮使司又改為長興千戶所百戶所洪  
武十九年知縣鄭勝始復請為縣署宏治三年知縣  
楊理重建嘉靖三十五年知縣黃辰重修

國朝順治初譙樓為大風所折十八年知縣葉文鳳重建  
康熙四年知縣葉文鳳改留餘倉為西廳中為治廳

後為軒為後堂左為架閣庫右為耳房庫東西為六  
房中為戒石亭前為儀門左為寅賓館又前為譙樓  
縣解即後堂為之前明隆慶元年知縣歸有光改為

夢鼎堂

歸有光夢鼎堂記凡州縣治其後皆為夾道  
而官之長貳私宅別為一區惟長興治後迤

於城故令之宅無周垣門廡燕堂與前堂簷相接也  
余來為縣為修經閣鼓樓左右廊廡起吏舍倉庾而  
燕居之室穿漏傾圯復加完葺之會有事於貢院一  
日夢寢庭中有函牛之鼎其傍有破裂處方命修補  
之覺而以告諸同事適長興之士試而得雋者三人  
眾皆以為鼎足之應未幾而南都得雋者又一人或  
以為此補  
鼎之驗也今仍舊名治廳東為丞解丞解南為尉解

又東南為簿解縣宅內有馴雉堂素履堂

德清縣治

在石寮  
山南

萬歷湖州府志舊治在下蘭山唐

天寶初移置德清縣志以水勢衝激移置今所前也  
餘不溪後枕百寮山宋宣和中縣令趙嶠重建廳事  
建炎兵焚嘉定間知縣黃耕重建元至正丙午燬吳  
元年知縣黃宗義鼎作明宣德末知縣張俊以治廳  
卑隘改爲之嘉靖初堂圯知縣方日乾撤而新之

國朝康熙十一年知縣侯元棐改梅花堂曰花署顏後堂  
曰集義治廳左爲東耳房右爲西耳房後爲架閣庫  
東西爲六房中爲戒石亭前爲儀門爲土地祠前爲  
譙樓爲縣門縣廨在後堂後廳事東墜爲丞廨稍南  
爲簿廨爲尉廨

武康縣治

在餘英溪北

嘉靖浙江通志舊在溪北隋仁壽

六年徙溪南唐廣德元年燬二年復徙溪北萬曆湖  
州府志宋建炎中火紹興二年縣令鍾燮重建元至  
正十六年燬明洪武元年知縣李大春重建嘉靖二  
十五年知縣俞榮重修

國朝康熙九年知縣馮聖澤重建中爲治廳後爲川堂左  
爲耳房庫右爲架閣庫東西爲六房中爲戒石亭前  
爲儀門門內爲土地祠前爲譙樓縣廨在川堂後有  
桂花亭後堂西北爲丞廨治廳西北爲簿廨東偏爲  
尉廨

安吉州治

在天目鄉東北

嘉靖浙江通志漢分故鄣南境置

安吉縣治在天目鄉今地猶名舊縣唐開元間縣令

孔志道徙東北四十五里後又徙城東南元至正間

燬丁酉知縣劉德裕復徙舊治尋為元帥府洪武三

年知縣王津即元帥府建今治萬歷湖州府志八年

知縣張士良增修正德二年知縣何顯改奏為州即

縣舊治三年知州廖紀新其治嘉靖二十三年知州

江一麟重修萬歷元年知州勞遜志復修

國朝康熙四年知州楊茂祖重建譙樓中為治廳後為軒

為後堂左為東耳房為架閣庫右為西耳房東西序

武康縣治

在餘英溪北

嘉靖浙江通志舊在溪北隋仁壽

六年徙溪南唐廣德元年燬二年復徙溪北萬歷湖

州府志宋建炎中火紹興二年縣令鍾燮重建元至

正十六年燬明洪武元年知縣李大春重建嘉靖二

十五年知縣俞棨重修

國朝康熙九年知縣馮聖澤重建中為治廳後為川堂左

為耳房庫右為架閣庫東西為六房中為戒石亭前

為儀門門內為土地祠前為譙樓縣廨在川堂後有

桂花亭後堂西北為丞廨治廳西北為簿廨東偏為

尉廨

安吉州治

在天目鄉東北

嘉靖浙江通志漢分故鄣南境置

安吉縣治在天目鄉今地猶名舊縣唐開元間縣令

孔志道徙東北四十五里後又徙城東南元至正間

燬丁酉知縣劉德裕復徙舊治尋為元帥府洪武三

年知縣王津即元帥府建今治萬歷湖州府志八年

知縣張士良增修正德二年知縣何顯改奏為州即

縣舊治三年知州廖紀新其治嘉靖二十三年知州

江一麟重修萬歷元年知州勞遜志復修

國朝康熙四年知州楊茂祖重建譙樓中為治廳後為軒

為後堂左為東耳房為架閣庫右為西耳房東西序

為六房中為戒石亭前為儀門門東為迎賓館又前

為譙樓為州門州宅在後堂後西為州判宅西北為

吏目廨

孝豐縣治

在天目鄉

嘉靖浙江通志即漢故鄣南境安吉

縣舊址明宏治元年析安吉置孝豐知府王詢奏建

今治孝豐縣志其後正堂圯壞知縣郭治王國相繼

修葺

國朝康熙七年知縣楊錫汝又修治廳前為甬道為戒石

亭右為架閣庫為儀門東土地祠西迎賓館又前為

大門縣廨內有增祿閣楊錫汝建後堂東為丞廨西

為尉解

寧波府

提督全省水陸軍務總兵官

在府城南紫薇街

明設浙江鎮

守總兵官一員

國朝以浙省瀕海要地前後增設五鎮各擁重兵鎮守而

統收全省水陸官軍特設提督總兵官以總其權倚

任為尤重矣康熙二年駐劄紹興府城八年移駐寧

波府即民房建署東西列戟為轅門前為大門進內

為二門為甬道中為大堂上奉

御書扁額曰篤忱堂康熙四十二年

賜前任提督王世臣並懸

御製四時常喜戈船靜千里須教壁壘新對聯一副又

御書樂善不倦四字

賜前提督趙弘燦又

御書寬惠赴桓四字

賜前提督吳陞均奉懸正楹凜如

天威咫尺也大堂之東曰敬事堂為間三中奉

御碑一座上書干城二字康熙二十二年提督陳世凱奉

賜勒石西曰西廳制與敬事堂埒西廳之上恭奉

御書秉心誠悃四字雍正二年提督楊長春奉

賜敬懸傍有書室六間進內為二堂康熙三十年提督馬  
三奇奉

賜題額曰重鎮進後正樓五間翼以兩廂二堂之西曰雙  
桂廳為間三又西為箭廳前後羣房四十餘間大堂  
之右為各曹吏舍二門外東為土地祠轅門左右為  
文武官候廳規模宏整洵稱海疆重鎮云

分巡寧紹台道

在永豐街

杭州府志向在省城按察司大

門內後移駐寧波府寧波府志巡視海道在府治西

北隅舊為市舶提舉司嘉靖中改建中為正廳東西  
別廊房前為露臺為儀門為大門門左右各有榜房

正廳後為川堂堂後為明樓正廳西為山亭後為池

亭

寧波府治

在城內西北隅

舊浙江通志唐為明州宋為奉國

軍慶元府元初改為路其治皆在寧波衛治所大德

七年以府治為浙東道東元帥府而徙總管府於宋

判廳故址是為今治成化四明郡志明洪武初改明

州府知府張琪闢府東廣仁白衣寺址以建解宅十

四年改今名正統四年知府鄭珞重建正心堂及後

堂增置川堂天順三年知府陸阜廣外門址同知劉

文顯重建左右廊築儀門外門鄞縣志嘉靖二十五

年燬守魏良貴重建名正廳曰甘雨堂

嘉靖寧波府志今名崇美

堂川堂曰如心

嘉靖寧波府志今名開誠堂

開誠堂後為內宅中

為柳巷為庫庫東為世寄堂前為甬路為戒石亭東

西為吏廊南為儀門門東為土地祠為大門治西南

為譙樓治廳西為經歷司東為照磨所西南為通判

廳

海防同知

在鄞縣東南八十里大嵩地方

嘉靖寧波府志同知署在

府治南北向正廳曰親民堂外門曰清戎劉文顯建

國朝雍正七年浙江總督臣李衛題請移駐太嵩稽查海

口淮建設衙署

糧鹽通判

在府宅西南

嘉靖寧波府志通判署在府治南

稍西中為平政堂前為重屋三間東西廊各三間後

為川堂又後為衙堂前為中門為大門通判唐時雍

建

校士館

在城西北隅

舊為巡按御史行臺後裁巡按改為

督學校士之所中為正廳題曰青天白日前為露臺

東西廊房各十六間前為儀門曰憲臺外為大門正

廳後為川堂凡四間扁曰水壺秋月又後為後堂東

西為耳房為庖室又後為優學軒翼以亭左曰省過

右曰滌心



國朝雍正九年知府曹秉仁重修增建考棚及堂後廳軒

李衛重修校士館碑記自監司而守令皆有守土之責舉不得越境視事即節鉞全省非事亦無由親歷各屬之封內盡覽其山川風土之美盛得巡行所部者惟督學使臣為然以故列郡皆設有行署其來舊矣第督學三載中歲科至郡者再事竣即去封鐫扁固人莫得窺往往為風雨所剝蝕鳥鼠所穿穴因而日就傾圮勢固然也且按試時堂皇門廡有司稍加塗墍至席舍則僅蔽風日祁寒暑雨燥濕不時士子欲據一日之長而坐不安席神思消沮學臣亦以駐任其興廢者也甬東人文淵藪往者督學按臨必首寧郡蓋其俗尚詩書樸者力穡秀者橫經其諸生亦多以教讀為生計專攻舉業故文風特盛第校士之館舊為巡按行臺朽蠹不葺者歷有年所矣曹守秉仁來典是邦毅然以修舉為己任經營相度而緘於力會晉江李公清植以翰林侍講視學兩浙廉明勤慎甄綜無遺才凡所識拔者咸踴躍鼓舞願各捐已資以助曹守因出贖緩佐之來請於余余如所請俾

凡材鳩工委教授章某董厥事自大門至儀門地勢窪下增之高濼無侵也建考屋東西各九間重簷敞疏周以短垣寒暑適協也中建捲棚八間行更出入日無暴雨無濡也太堂二堂宋栴之蠹腐者易之廳疏之漶漫者髹之完以好也拓地川堂之後建燕寢之堂為楹五爽塏靜深宜校閱也建左右廊房安儉從也庖湍備具無不用以潔也統計葺舊者十有二新構者十有八竹木陶甍灰石丹漆釘錢之費夫匠值廩之資用白金一千五百兩有奇經始於雍正辛亥之五月訖工於是歲十月費不廉公役不勞民曹守於是舉可謂勤矣為記其落成歲月鐫之石俾後之流止者無忘厥功而寧郡士子其亦觀感興起敦文勵行以無負聖世作人之雅化也歟

提標中軍中營叅將 駐劄府城 城湖西

提標左營遊擊 駐劄府城 小沙泥街

提標右營遊擊 駐劄府城 小梁街

提標前營遊擊 駐劄鄞縣大嵩所

提標後營遊擊 駐劄府城馬衙漕

提標城守營遊擊 駐劄府城崔衙前

寧協城守營遊擊 駐劄寧波府城

鄞縣治 在城西北隅 鄞縣志縣故治在東北隅開明橋北

唐大歷間自小溪州城移鄞縣於此長慶間并徙州

治而縣仍附郭後梁改鄞為鄞宋仍舊址建炎間燬

紹興八年令顧汝美創建二十五年令王曉建清心

堂嘉靖浙江通志元至大二年改為廉訪分司皇慶

二年徙縣治於分司故址鄞縣志至正末尹宋禮移

治於行春坊明洪武元年徙於迎鳳坊六年令楊仲

珪移建於今地乃乾符竹林寺址也

國朝康熙二十二年知縣汪源澤重建忠愛堂堂後為川

堂堂左右為庫為後堂東西為耳房堂之後為內宅

東為丞宅西為典史宅前為甬路為戒石亭為儀門

為外門前及左右皆樹坊表

慈谿縣治 在城北隅 成化四明郡志在浮鼈山上創於唐

慈谿縣志肇自開元二十六年宋雍熙元年令李昭

文重建淳化間建清清堂於正廳之後 徐璋為記 元祐元

年令崔熙重建正廳紹定元年改築清清堂為清清

閣景定三年易名清高閣尋復為清清堂元至元二

十五年令馮昱又重建成化四明郡志皇慶二年達

魯花赤烏馬兒增修袁梅重修縣治記廳事五楹為

尹張叔達廳書之所廢因其名而築之者也挾以吏

舍厨涵獄室縣門鼓樓前後有序縣治之中有小湖

湖之中為洲花竹四列風蓮水柳映翳明洪武間知

縣耿讓靳完壁主簿韓文鼎相繼葺治宣德正統間

張謨嚴憲相繼知縣事重修清清堂寧波府志正德

初令倪璋拓大之姚鏌為記嘉靖丙辰燬遷於山趾在城

北隅中為正廳扁曰忠愛堂堂後左為贊政廳為耳

房庫右為架閣庫東西列吏廊前為甬道為箴石亭

為儀門門外迎賓節土地祠南為大門川堂後為清

清堂又於山之椒建亭三間名見山亭縣宅在治廳

之左中廳為問優齋有後堂有書室縣左為丞宅右

為典史宅

奉化縣治在城西嘉靖浙江通志在寶化山北三里

唐開元間分漢鄞縣地建今治宋建炎間燬復建舊

浙江通志元至元十三年復燬令王宗信重建二十

八年令丁濟廣其址元貞初陞為州治明洪武二年

復為縣治永樂成化中相繼修葺

國朝康熙間圯知縣鄭懷重建親民堂二十一年知縣張

起貴重建宣明樓堂後為後堂後堂北為內宅東北  
為丞廨東為典史廨左右為庫前為甬路東西為市  
廊中為成石亭南為儀門門東為土地祠南為宣明  
樓

鎮海縣治 在城西南 成化四明郡志 梁貞明二年建宋建

炎四年燬紹興元年令蓋大淵重建嘉靖定海縣志  
淳熙間令陳公亮韓承德相繼修復成化四明郡志

明洪武二十五年令袁尚敬重修縣廳三十四年令  
陸本重創幕廳庫廊正統中知縣戴鍾重建寧波府


志正德間令陳軾劉俶鄭餘慶嘉靖間令宋繼祖各

加修葺定海縣志萬歷十六年令汪應泰重修天啓  
間令顧宗孟崇禎間令楊芳增修

國朝康熙二十七年改為鎮海縣正堂三間曰親民堂後  
為見心堂左為架閣庫前為甬道為箴石亭東西為  
吏廊又前為儀門大門內東為土地祠川堂後為內  
宅內舊有瑞菊亭四知軒錦春樓廣瑞軒白華朱鄂  
亭皆見堂宅東為丞廨廊東為尉廨

鎮海水師營參將 在縣治西 舊係總兵署萬曆二年

總兵移駐指揮衙門將舊署改為參將署頭門五間  
儀門五間大堂五間堂東簽押廳一間題曰忠武堂



住宅五間西廊軒房六間西廊外箭廳三間額曰

心

協鎮寧波昌國等處地方駐劄象山副將在縣西門三隅地方

賃居民房

協標中軍左營都司在縣西門三隅地方 康熙四十年建

協標右營都司在縣南門五隅地方 康熙三十四年建

象山縣治在象山南麓 成化四明郡志建於唐神龍二年

宋淳熙嘉定間兩加修建元大德間令荅失變重葺

至正間令楊用撤新之明洪武元年知縣孔定修葺

德二年知縣陳思敬重修象山縣志成化癸卯凌傳

拓大其址正德九年徐相建譙樓嘉靖間儀門壞蔣

三才改創堂圯毛德京鼎建王樞為記 萬歷三十六年吳

學重葺

國朝康熙十六年知縣李郁重修五十七年知縣馬受曾

修建正堂堂右為庫下為甬道為箴石亭為東西六

房為儀門門外為客廳為土地廟前為譙樓堂後為

川堂中為宅門為二堂曰一椽萬間為三堂曰茹藥

西為此君軒前為白鹿亭後創竹亭曰餘善前為香

風亭左為縣丞署雍正四年奉裁改為倉廩南為典

史宅

鎮守定海舟山等處地方總兵官

在鎮山下

定海縣志原

駐定海卽今鎮海

國朝康熙三十二年移定海總兵駐舟山改爲舟山鎮二

十五年改舟山爲定海縣名定海鎮在明叅將府基

二十五年總兵黃大來建

定海縣志中中所舊爲宋元州縣之址隆慶三年叅

將梅魁改爲叅將府

東西爲轅門中爲大門爲儀門內爲大堂

上懸

御賜彰信敦禮

以進內爲二堂康熙四十四年

御書迪德堂賜兵施世驃更進爲內宅宅西爲書廳奉

懸

御題鑑古額右有亭曰不染亭更西爲箭廳雍正八年總

兵林君陞題曰觀德堂

鎮標中軍中營遊擊

在鎮山後

康熙二十五年遊擊樂廷

柯建中爲大堂前爲儀門爲大門堂西爲西廳堂後

爲內宅左爲書房右爲箭廳

鎮標左營遊擊

在霞山下

康熙二十四年遊擊石子固建

中爲大堂爲儀門爲大門堂左右各有廳堂後爲住

宅

鎮標右營遊擊

在門內

康熙二十四年建大堂前爲儀

門爲大門堂右爲西廳後爲內宅

定海縣治

在鎮鰲山麓

定海縣志唐開元析鄞地置翁山

縣後廢宋熙寧六年改翁山為昌國治在鎮鰲山下

高宗時燬元至元間陞為州明洪武十三年仍改為

縣二十七年隸定海衛

國朝康熙二十三年展復舟山二十五年改舟山為定海

山縣為定海縣建署大堂曰治定堂二堂曰阜成堂

堂東為庫東西為吏廊前為儀門為土地祠皆知縣

周聖化建堂東為內宅前堂三間後堂五間知縣李

侗建東為典史宅

紹興府

紹興府治

在府龍山麓俗名府山

宏治紹興府志本秦漢會稽

都尉治自東漢以郡移治山陰即為府廨至隋唐嘗

為總管都督府又為節度觀察廳事嘉靖浙江通志

隋為越州治唐為浙東總管府治又為義勝成勝鎮

東諸軍治寶慶會稽續志乾寧中董昌即廳堂為官

殿錢鏐為節度乃撤而新之嘉泰會稽志紹興元年

駐蹕會稽改越州為紹興府二年移蹕臨安詔復作

府治寶慶會稽續志州宅自錢鏐再建壞而復修不

知其幾嘉定十五年守汪綱悉治新之弘治紹興府

志元以府治為路廨至正中以路廨為江南行御史

臺而遷路解於宋提刑司嘉靖浙江通志明洪武二  
年復以御史臺為府治萬歷紹興府志廳事久且蠹  
敗弘治十一年知府游興新之嘉靖元年火知府南  
大吉修復之堂舊額曰公正於是改為親民紹興府  
志府堂萬曆二十一年圯知府劉庚修之甫二年燬  
復建

國朝康熙八年知府張三異修二十八年知府李鐸重修  
更名豐樂堂後漸傾頽五十二年知府俞卿重建更

名又新堂

俞卿建大堂記越大堂久圯余因其舊基  
而新之儀門兩廡仍舊增修大門易以洞  
門堅固壯麗再構文昌閣以衛風氣堂後逼於山建  
九楹護之為川堂東偏別構二堂以前廳事為三堂

次第修整大堂額曰又新川堂曰思補二堂  
入後為  
日學古經始於癸巳五月告竣於甲午六月

思補堂思補之東為學古堂思補之後磴道而上為

松風閣舊鎮越堂基也

鎮越堂宋  
江綱創建

由儀門內東行為

知府宅有宅門有二門有堂由堂之東廡繞出為陶  
月軒後為書室三重由磴道折而上為翼龍亭後轉  
而東為大觀堂又新堂之左為泰積庫接堂為軒下  
為月臺為甬道東西為吏廨外為儀門西為總捕同  
知署東為水利通判宅迤南為經歷司為照磨所正  
南為大門疊石為臺架重樓其上外為照屏分石磴  
東西二道街南為文昌樓東為鎮東閣



分守寧紹台同知 在府 治西 萬歷紹興府志府西迫高崖

崖上舊為同知宅有外門有廳有寢嘉靖中通判吳

成器創吳既去遂改為同知宅 紹興府志明清軍總

捕廳為同知聽政之所在寶珠橋廢唯一門存焉同

知宅由府儀門進知府治事出入以扇掩而過體不

雅稱乃於儀門外開門為路

國朝康熙四十七年移駐餘姚縣梁湖地方兼轄寧波紹

興台州三府接壤之處以事至府則仍居舊廨

督糧水利通判 在府 治東 萬歷紹興府志通判北廳在府

署之東多植木犀宋施宿名曰桂堂通判南廳有書

樂堂太子中令張次山建又有世綵堂通判史文通

建通判東廳乃員外置舊寓武憲廳紹興中王十朋

來作民事堂嘉定十七年顏耆仲又葺路鈴廳居之

紹興府志明管糧通判宅今改為知府署而水利通

判宅在其南由儀門外東進西南為土地祠北為關

帝廟中為路路盡為宅門東向又進為二門乃南向

中為堂為後堂後有蓬萊閣

校士館 在倉橋西明巡 院署俗稱新司 紹興府志明稱布政分司為

南司按察分司為北司巡院係嘉靖間所創故稱新

司

國朝康熙二年提督移駐紹興遂為提督署更葺之後建威遠樓七間制甚偉八年移駐寧波遂為督學校士之所五十七年知府俞卿重修中為大堂東西為文塲前為儀門大門門東西為府縣官候廳為鼓亭後有樓曰威遠有池有橋傍有地一區至今稱小教塲蓋射圃遺意云

紹協城守副將 在山陰縣東酒務橋左

山陰縣志舊布政分司

卽守道衙門本紹興衛軍器局明洪武二十三年指揮使趙忠移局於會稽福里寺址正統六年知府羅以禮始建

國朝康熙六年裁守道八年改為協鎮公署

協標中軍左營都司 在鎮東關西

山陰縣志舊無經制衙

門後改巡道司駐劄

山陰縣治 在府治西一里 嘉靖浙江通志秦改大越為山陰

唐大歷七年建治承天橋東舊浙東通志在寶林山麓去府治五里許元泰定二年始遷於今所卽宋省

馬院故址也山陰縣志負臥龍山脊而秦望帶鑑湖

玉架天柱諸峯環峙左右形勝雄偉中為正廳左為幕廳右為庫南甬道中為戒石亭東西廂為吏廊南為儀門外東南為土地祠為賓賢館直南為大門正

廳後為冰蘂堂東為退思軒西為洗心軒前有路紆徐數轉達光化亭亭南為廳有門有亭有寢室寢室之東舊有樓名宜中廡南出治廳東為丞署西南為尉署

會稽縣治

在府治東三里

嘉靖浙江通志南北朝陳氏開縣

建治後省入山陰宋復置縣仍舊治萬歷紹興府志

署舊在府東一里唐垂拱二年建今在府東三里宏

治紹興府志明洪武初知縣戴鵬舉重建後廢宏治

三年知縣陳堯弼復建名綠漪廳後有梁跨水以通

出入

國朝康熙五十六年知縣姚協于重建創大堂五間名曰

心堂又建儀門三間堂後過石梁為內宅有堂名集

思康熙五年知縣王安世重建宅東為嘉瓜樓舊名清遠

樓明隆慶六年樓下瓜三帶六實因更名焉樓東為丞衙大堂東為典史

廨前為甬道為儀門東南為親賢館為土地堂西為

吏舍南為大門雍正十一年知縣楊沛重修

蕭山縣治

在北幹山南二里

嘉靖浙江通志唐儀鳳二年割

諸暨會稽西北鄙地建今治萬歷紹興府志宋天聖

四年令李宗卿建元末燬宏治紹興府志明初知縣

尹性重建紹興府志永樂間知縣張崇修成化十三

年知縣吳淑又新之

按宋治有學製堂天聖間令李宗卿建淳祐間令高曆改為翠

簾堂

國朝康熙五年知縣賈國楨繕葺十八年知縣姚文熊重建治廳曰忠愛堂東有幕廳後有堂曰協恭前為甬路為戒石亭東西為吏廊南為儀門左為土地祠右為請益堂又南為譙樓三十年邑令劉儼重葺縣廨在治廳後舊有堂曰牧愛左右有夾堂外有門扁曰龜山舊署康熙五年賈國楨於內署退食堂東建樓三層宅東為丞署治廳之東為典史廨

諸暨縣治

在城東北

嘉靖浙江通志秦時開縣建治宋建

今治

嘉泰會稽志廨內有琴堂

元陞為州治明洪武三年復為縣

治宏治紹興府志洪武初知縣田賦重建諸暨縣志

正統己巳燬知縣張鉞重建己卯圯知縣彭瑩重建

崇禎十六年又圯知縣錢世貴重重建

國朝順治四年燬康熙九年知縣蔡杓重建中為正廳後為川堂為後堂西為內宅正廳東為幕廳前為戒石亭為儀門為譙樓庫西為丞衙儀門內東為典史衙堂西為吏舍

餘姚縣治

在城東南隅

嘉靖浙江通志秦時肇建隋廢唐

武德五年置姚州為州治七年廢為縣元復陞為州

明洪武三年復為縣治後枕祕圖山前俯舜江嘉泰  
會稽志解有高風閣李祺重建後十一年施宿知縣  
事一新之閣據祕圖山麓前對南山為一邑佳處閣  
下有嚴公臺有翰墨堂餘姚縣志皆宋德祐間燬至  
元阜慶間復作公署治堂曰親民治堂東為幕廳西  
為庫書房甬路南為戒石亭為儀門左右為吏廊東  
廊之北稍東為寅畏堂儀門外為土地祠申明旌善  
亭前為譙樓堂之後為川堂為後堂有池曰瑞蓮池  
之上為亭其北當祕圖之脊為令廨有門有廳有寢  
令廨之右為丞廨丞廨之前為典史廨通判葉金署

縣重建

上虞縣治

在長者山北東去曹娥江四十里

宏治紹興府志舊在百

官市唐長慶中移治今所

名勝志舊經本司鹽校尉治水經注云舊治水西常

有波蕩之患晉中興初治今處然今治則唐永慶中徙

宋建炎中兵焚令趙不

搖復新之又燬元初達魯花赤烏馬兒復建萬歷紹

興府志至元二十一年縣尹展熙再建明宣德中知

縣吳俸新之上虞縣志成化甲午復圯令邢昊重修

正德中令陳言扁廳事曰牧愛繼曰忠愛曰節愛今

曰實心實政甬道中立戒石舊譙樓構以木正德末

令伍希儒伐石壘基作洞門復創重樓於上



國朝順治三年知縣朱應鯤更新之康熙十年知縣鄭僑  
重建廳後為縣廨廳東稍北為丞廨廳東南為典史  
廨

嵯縣治在剡山之陽嘉靖浙江通志舊治在江東吳賀齊

為剡令始徙今所宋宣和間改嵯縣治元燬明洪武

初重建嵯縣志天順中燬宏治間知縣李春等相繼

葺

國朝順治四年知縣羅大猷重建中為治廳顏曰親民治

廳東為幕廳廳北為冊庫南為吏廊治廳西為龍亭

庫康熙八年知縣張逢歡重建北為銀庫南為吏廊

治廳後為燕思堂堂後為儆齋齋後為令廨宋政和中建

薰堂有東閣及四山閣後北嘉定八年令史安之重建增敞之東有霞書堂北有面山堂累石為山注水為池雜藝卉竹凡十餘所元至正間燬明初重建復燬成化弘治間重建後相繼修葺順治六年知縣羅大猷重修丞廨在縣廨東其西為典史廨

新昌縣治在五山鄉南明山後萬歷紹興府志宋太平興國中

縣令張公良創立宣和三年燬紹興十三年知縣林

安宅重建元至正二十六年燬二十八年縣令完顏

從忠再建至正末又燬明洪武元年知縣周文祥鼎

新之中為治廳後為川堂有愛竹堂廢碑存後為龍

亭庫夾以兩楹堂左為幕廳右為庫房南有戒石東

西為吏廊南為儀門直南為大門上為譙樓五間

國朝康熙九年知縣劉作樑鼎建公廨後為正衙正衙後

為丞衙稍南為典史廨

台州府

台州府治

在城西北大固山之麓

嘉靖浙江通志漢治臨海後

徙治章安隋改臨海郡治唐改台州治太曆間徙今

所赤城新志元至元十三年燬置安撫司十四年改

總管府至正末復燬明洪武初范守明敬始創之台

州府志萬歷丙子李守時漸重建後堂

國朝順治八年知府徐化成修建正堂康熙二十一年知

府鮑復泰重修堂後為川堂為後堂為霞起樓宋淳熙中

守尤袤建明天為月桂齋鮑復泰月桂齋記唐垂拱四年三月夜月中桂子降

於郡治之東齋芳香味甘食之和暢台州司馬孟洗

冬官侍郎狄仁傑以聞余自戊午春來守是邦兵火

之後獨老桂一枝靈芬蒼翠若有呵為靜鎮堂宋嘉祐中

護者亟葺是齋仍顏之曰月桂云鮑復泰重修忠愛堂左為經歷司前為甬道為戒

石亭左右為吏舍前為儀門門外為綠荷塘左為廣

積庫東為土地祠西為禮賓館前為大門上有德風

樓康熙五十九年知府張聯元重修題曰海天保障門外有端本澄源二坊

治南為同知廳經歷衙西為通判廳東南為鼓樓康熙

五十三年建日鎮海樓

海防同知 在府治東 中為正堂左右為吏舍前為甬道為

儀門為大門為內宅有廳軒寢室

糧捕通判 在府治西 中為正堂前為儀門為大門為後堂

為內宅

校士館 舊布政分司在府治東二百步 台州府志布政分司明正統

中李守性建成化間劉守忠更作之宋初貢院在州

東三百步後徙兜率院再徙巾子山北嘉定初應試

者至八千人館不能容於是齊守碩拓福安廢院地

以廣之按府治圖當在今新開巷一帶圯久明試士

就察院司

國朝初年巡道楊應魁重建貢院後圯康熙六年臨海縣

教諭胡雲客率兩縣諸生構試館二十間十三年壞

今就布政分司搭蓋棚廠考試

台州協城守副將 在黃坊橋 台州府志順治四年始設協鎮

台州副總兵駐黃坊橋分司十四年調定海總兵張

杰至郡借住城內王中丞宅後移鎮黃巖復駐協鎮

副將康熙二十八年協鎮蘇侃仍駐黃坊橋司

協標右營都司 駐劄前所寨汛新城

協標寧海營參將 駐劄寧海縣城

協標太平營參將 駐劄太平縣城



臨海縣治 在府治南二百三十步 嘉靖浙江通志宋皇祐間令

崔黃臣建乾道間火淳熙六年令彭仲剛重建台州

府志紹定二年大水衝壞明年令葉爽重修赤城新

志元至元十三年燬令王銳重建至正末再燬明洪

武初令王貴重建台州府志 宏治七年令陳釗重建

崇禎七年令周瑞旭重修

國朝順治中知縣葉裳華稍加修葺康熙甲寅堂前後俱

圯二十一年知縣趙之奎重建中為大堂東為丞廨

西為尉廨後為後堂 舊名正巳 左右為兩庫又後為內宅

堂之前為甬道為戒石亭兩旁為吏廊前為儀門門

前為平橋東寅賓館前土地祠西為獄平橋前為人

門 在

鎮守黃巖等處地方總兵官 在大寺巷 舊設水師右路總

兵官駐劄臨海縣

國朝順治十一年總兵官張杰移駐黃巖暫住民房康熙

三年總兵官李榮始建署於大寺巷中為大堂曰靖

海堂五十一年總兵官李近重修大堂後為勤政堂

總兵官史成立額後林達更名晉德堂雍正六年總

兵官李燦復題曰無愧堂上懸

御書福字扁額進後為宏毅堂堂之西有亭曰一草亭東

偏假山一帶山下復為亭曰友蘭皆燦建燦復於弘毅堂後構廳事五間題曰正靜堂舊有箭廳在署東顏曰繹亭總兵官吳進義另於署西新闢箭道為較閱騎射之所題曰德立功成大堂之外為儀門為大門轅門西為大寺塔東有樓曰鎮東樓

鎮標中軍中營遊擊 駐劄黃巖縣城

鎮標左營遊擊 駐劄黃巖縣東

鎮標右營遊擊 駐劄海門衛城小北門

黃巖縣治 在城內 嘉靖浙江通志宋宣和五年令王然

建赤城新志宋末燬元至元中令孫諤重建元貞初

陞為州仍舊治至正末復燬明洪武初知州唐宏重

建尋復為縣宣德中周令旭鑑乃更作焉台州府志

嘉靖壬子燬令高材重建署縣通判傅倌成之

國朝順治十二年知縣李何煒重新正堂川堂康熙二十

二年知縣甘國輔重新後堂正堂額曰忠愛後堂額

曰慎獨 舊曰再思 東廡為仁政閣又東為無倦軒後為摘

星樓東北為丞解西為尉解前為甬道為戒石亭為

儀門為譙樓縣西有圍宋有民和堂清心堂舫齋飛

蓋亭容光臺今皆不存縣署內東有來紫堂後改曰

介石後有嶧山書院皆甘國輔建後堂東偏有迎仙

樓康熙三十四年令劉寬建

天台縣治

在赤城山南六里

嘉靖浙江通志宋慶元初令常

建重修赤城新志元至元丙子燬令張德進重建至

正末再燬明洪武初令鄧林重建台州府志永樂八

年令張炯重新之正統六年令吳昌建正堂宏治七

年丞楊蘭建後堂

國朝順治六年知縣蔡含靈建坦蕩亭正堂東為幕廳為

庫房東南為尉廨後為後堂為內宅宅東為東樓西

即坦蕩亭正堂前為甬道為戒石亭東西為吏廊為

儀門東為土地祠為賓館西為獄大門上有鼓樓

仙居縣治

在北峯之下

台州府志舊治在孟溪前金家店

晉永和四年令羊欣徙今城內嘉靖浙江通志宋建

炎二年令張亨重建赤城新志元至元丁丑燬縣尹

王徵重建至正丙申復燬明洪武初令王從古重建

台州府志嘉靖丙辰燬丁巳同知毛德京署縣事重

新之

國朝初年知縣蔣成棟新其堂順治十六年知縣劉之浩

重建儀門康熙十一年知縣鄭錄勳重建土地祠正

堂後為後堂為東西二庫東北為內衙後堂東為尉

廨正堂前為架閣庫為戒石亭左右為吏舍前為儀

門東為土地祠前為大門為鼓樓

寧海縣治

在廣度里

舊浙江通志晉初設白嶠唐徙海游

永昌元年徙今處宋皇祐二年令李純師重建隆興

二年令薛抗重修元燬明洪武初知縣李茂復建台

州府志明令余亢郭紳張宏宜江徵戴顯相繼修葺

萬歷辛卯令曹學程更建

國朝康熙六年知縣黃命賢復加修葺後圯十四年知縣

崔秉鏡重建中為若保堂

舊名忠愛

堂後為川堂為芝臺

臺左右連產二芝故名

東為內衙舊有樓名補山康熙十六年

衙圯樓存崔秉鏡重建正堂東為丞廨西為尉廨前

為甬道為戒石亭東西為吏舍前為儀門門左為迎

賓館為土地祠前為大門為譙樓

太平縣治

在百干山南

嘉靖浙江通志明成化五年台州

知府阮勤奏析黃巖置縣六年知縣常完建治

康熙八年知縣孫如蘭建省觀堂二十年知縣曹文

珽重建左右耳房及東西兩廊儀門土地祠中為親



民堂後為川堂為省觀堂為後樂堂堂之前有來蜂

亭曹文珽來蜂亭記辛酉春予視事三月公餘偶憇

忽有蜂聚如斗顧而異之有老吏前謁曰明嘉隆

間蜂穴於堂歲數登民殷厚今復來集其休徵驗余乃伐竹緝茅作亭其上顏曰來蜂堂左為

丞廨丞廨前為尉廨




天保堂

承祇丞祇前為標祇

大門為祇樓

西祇堂



承祇丞祇前為標祇大門為祇樓西祇堂

承祇丞祇前為標祇大門為祇樓西祇堂

承祇丞祇前為標祇大門為祇樓西祇堂

承祇丞祇前為標祇大門為祇樓西祇堂

承祇丞祇前為標祇大門為祇樓西祇堂

承祇丞祇前為標祇大門為祇樓西祇堂

太平縣志 嘉善縣志 知知山丘平台

寶善為土此祇前為大門為標祇

為前並為祇承亭東西為吏舍前為滄門門老為

